

BASES REGULADORAS E CONVOCATORIA DE AXUDAS PARA O TRANSPORTE ESCOLAR DURANTE O CURSO 2020-2021.

O Concello de Begonte, a través da Concellería de Educación e Cultura quere contribuír á formación dos xoves do concello, mediante a concesión de axudas ao transporte escolar do curso 2020-2021 de modo que lles permita compensalos gastos producidos polo seu traslado dende o lugar de residencia ata o centro educativo.

PRIMEIRA. FINALIDADE E OBXECTO

O Concello de Begonte pretende apoiar, durante o curso escolar 2020-2021, aos estudantes que cursen estudos de bacharelato, ciclos formativos de grao medio e superior, ou estudos universitarios, co fin de contribuír, na medida do posible, a paliar o gasto diario ou semanal, que os xoves estudantes teñen como consecuencia do seu traslado a outras localidades para cursar os referidos estudos.

Constitúe o obxecto das presentes bases regular a concesión de axudas, en réxime de concorrencia non competitiva, para o transporte escolar ao alumnado que curse bacharelato, ciclos formativos de grao medio e superior ou estudos universitarios durante o curso académico 2020-2021.

SEGUNDA. BENEFICIARIOS

Teñen a condición de beneficiarios os estudantes que cumpran os requisitos que se indican a continuación:

- a) Estar empadroado no Concello de Begonte durante a totalidade do curso lectivo.
- b) Estar matriculado, e asistir a clase regularmente, no curso académico 2020-2021 en algún dos seguintes estudos:
 - Bacharelato
 - Ciclos formativos de grao medio e superior.
 - Estudos universitarios.

Quedan excluídos aqueles alumnos que dispoñan de transporte público gratuíto para o desprazamento ao centro educativo.

- c) Pertencer a unha unidade familiar cunha renda per cápita anual non superior a 12.000,00€.
- d) Non estar incurso en ningunha das causas de prohibición para obter a condición de beneficiario sinaladas no artigo 10 da Lei 9/2007, do 13 de xuño, de subvencións de Galicia.



c) Estar ao corrente no pagamento das obrigas tributarias co concello de Begonte, coa Facenda Estatal e coa Seguridade Social.

No suposto de estudantes menores de idade, terá a condición de beneficiario o pai, nai ou titor do mesmo.

TERCEIRA. CONTÍA DAS AXUDAS

Para a concesión das axudas convocadas destínase a cantidade de 2.000,00 €, que se financiará con cargo á aplicación 334.480 do estado de gastos do orzamento xeral do Concello do exercicio 2021.

Os importes das axudas de transporte, por alumno e curso determinaranse en función da distancia entre a vivenda e o centro educativo, tal e como se indica na seguinte táboa:

<u>DISTANCIA EN KM</u>	<u>IMPORTE</u>
ATA 50 KM	100,00 €
MÁIS DE 50 KM	200,00 €

No caso en que as solicitudes admitidas excedan o crédito dispoñible, este ratearase entre todas elas.

CUARTA. SOLICITUDES, LUGAR DE PRESENTACIÓN E PRAZO.

1. As solicitudes deberanse formular no formulario que a tal fin lles será facilitado:

a. Nas oficinas municipais.

b. Na páxina web <http://www.concellodebegonte.es/gl/actualidade>.

c. Na sede electrónica do Concello de Begonte <https://begonte.sedelectronica.es/dossier.1> (opción Axudas para o transporte escolar).

2. A presentación de solicitudes poderase realizar nas oficinas municipais, na sede electrónica do Concello de Begonte <https://begonte.sedelectronica.es/dossier.1> (utilizando calquera dos mecanismos de identificación e sinatura electrónica admitidos pola sede electrónica do Concello de Begonte) ou a través doutra das maneiras establecidas no [16.4 da Lei 39/2015, de 1 de outubro, do Procedemento Administrativo Común das Administracións Públicas](#), acompañadas da seguinte documentación asinada polo solicitante (no caso de ser menor de idade deberá asinala tamén o pai, nai ou titor):



- Fotocopia cotexada do DNI do solicitante e, no caso de ser menor de idade, do pai, nai ou titor.
 - Certificado empadramento da unidade familiar.
 - Fotocopia cotexada da declaración da renda do 2019 dos integrantes da unidade familiar ou, no seu defecto, certificado acreditativo do nivel de rendas emitido pola Axencia de Administración Tributaria. Excepcionalmente, se a unidade familiar alega carecer de recursos, ou quere acreditar unha situación excepcional, imprevista ou de carácter de especial necesidade que afecte negativamente á situación familiar, deberá acreditala mediante informe dos servizos sociais municipais.
 - Acreditación da condición de estudante mediante a entrega de copia cotexada da matricula do curso actual, xunto coa carta de pagamento ou, no seu defecto, certificado do centro onde figure curso académico, nome do alumno, materia que estuda, e que ten aboado ou está exento do pago das taxas correspondentes.
 - Declaración xurada do solicitante, ou no caso de ser menor de idade do pai, nai ou titor, de tódalas axudas solicitadas ou non e concedidas ou non, para a mesma finalidade, doutras administración ou entidades públicas ou privadas. **Anexo I (continuación)**
 - Declaración xurada do solicitante, ou no caso de ser menor de idade do pai, nai ou titor, na que se exprese o seu compromiso de aplicar o importe da axuda á finalidade para a que pretende a subvención e de non incorrer en ningunha das causas que impiden obter a condición de beneficiario segundo o artigo 10 da lei 9/2007, do 13 de xuño, de subvencións de Galicia. **Anexo I (continuación)**
 - Declaración xurada do solicitante, ou no caso de ser menor de idade do pai, nai ou titor, de atoparse ao corrente no cumprimento das obrigas tributarias fronte ao Concello de Begonte e a Facenda Estatal, e das obrigas coa Seguridade Social. **Anexo I (continuación)**
 - Declaración xurada da distancia existente entre o domicilio e o centro de estudos. (**Anexo II**).
3. O prazo de presentación de solicitudes será de **30 días naturais**, contados a partir do seguinte ao da publicación da convocatoria na páxina web do concello e taboleiro de edictos.

QUINTA. PROCEDEMENTO.

Unha vez rematado o prazo de presentación de solicitudes, estas serán revisadas por unha comisión integrada por:

- Presidente: Alcalde- Presidente do Concello ou persoa en que delegue.
- Vogais:
 - Concelleiro/a de Educación, Cultura e Deportes, ou persoa en que delegue.



- Secretario: o da Corporación ou persoa en quen delegue.

Unha vez comprobado o cumprimento dos requisitos e a documentación presentada por parte dos solicitantes a comisión emitirá unha proposta de resolución na que se especificarán os requirimentos de documentación, no seu caso, e os efectos da presentación ou non da mesma.

Esta proposta será notificada abríndose o prazo de 10 días hábiles para a emendar a documentación, transcorrido este prazo a proposta será elevada a definitiva, fiscalizada pola Intervención municipal e de seguido procederase á súa aprobación por Decreto de Alcaldía e á notificación a tódolos solicitantes.

As axudas serán concedidas a tódalas persoas solicitantes que cumpran os requisitos, tendo en conta a contía establecida no punto terceiro e sempre que exista crédito suficiente. No caso de que o importe total do crédito reservado sexa insuficiente, ratearase en función das solicitudes concedidas.

SEXTA. DETERMINACIÓN DA RENDA PER CÁPITA.

Enténdese por renda per cápita anual o resultado de dividir a renda familiar no ano 2019 entre o número de membros da unidade familiar computables.

Existen dúas modalidades de unidade familiar:

- En caso de matrimonio (**modalidade 1ª**):

A integrada polos cónxuxes non separados legalmente e, se os houber:

1. Os fillos menores, con excepción dos que, co consentimento dos pais, vivan independentemente destes.
2. Os fillos maiores de idade incapacitados xudicialmente suxeitos a patria potestade prorrogada ou rehabilitada.

A maioría de idade alcánzase aos 18 anos.

- En defecto de matrimonio ou nos casos de separación legal (**modalidade 2ª**):

A formada polo pai ou a nai e a totalidade dos fillos que convivan cun ou outra e reúnan os requisitos sinalados para a modalidade 1ª anterior.

Da regulación legal, a efectos fiscais, das modalidades de unidade familiar, poden extraerse as seguintes conclusións:

Calquera outra agrupación familiar distinta das anteriores non constitúe unidade familiar a efectos do IRPF.

Ninguén poderá formar parte de dúas unidades familiares ao mesmo tempo.



A determinación dos membros da unidade familiar realizarase atendendo á situación existente o día 31 de decembro de cada ano.

Por tanto, se un fillo cumprise 18 anos durante o ano, xa non formará parte da unidade familiar nese período impositivo.

Para a determinación da renda dos membros computables que haxan presentado declaración polo Imposto sobre a Renda das Persoas Físicas ano 2019, se sumará a base imponible xeral (casa 435 da declaración da Renda do ano 2019) coa base imponible do aforro (casa 460 da declaración da Renda do ano 2019) e se resta a cota resultante deste resultado da declaración (casa 595 da declaración da Renda do ano 2019).

SÉTIMA. XUSTIFICACIÓN E PAGAMENTO.

O aboamento da subvención farase efectivo unha vez presentada a seguinte documentación no Rexistro Xeral do Concello:

- Facturas ou recibos que acrediten o gasto.
- No caso de que o alumno acuda ao centro de estudos en vehículo particular, presentarse declaración xurada dos quilómetros realizados durante o curso escolar, entendéndose a estes efectos que o custe por Km. é de 0,19 €.
- Declaración xurada do solicitante, ou no caso de ser menor de idade do seu representante legal, de tódalas axudas solicitadas ou non e concedidas ou non, para a mesma finalidade, doutras administración públicas ou privadas.
- Declaración xurada do solicitante, ou no caso de ser menor de idade do seu representante legal, na que se sinale que a axuda percibida foi destinada a sufragar los gastos derivados do transporte dende o lugar de residencia ao centro onde realiza os estudos.
- Certificados expedidos pola Facenda Estatal e a Tesourería Xeral da Seguridade Social de atoparse ao corrente das obrigas fiscais e da Seguridade Social a nome do beneficiario ou, no caso de ser menor de idade, da persoa que asinara a solicitude de subvención.
- Certificado do centro onde o alumno realiza os estudos, facendo constancia da asistencia ás clases.
- Certificación de titularidade de conta bancaria co IBAN da que sexa titular o solicitante ou, no caso de ser menor, do seu representante legal.

O prazo límite para presentar a documentación xustificativa será o **31 de outubro de 2021**.

OITAVA. OBRIGAS DOS BENEFICIARIOS

Os beneficiarios terán as seguintes obrigas ante o Concello de Begonte:





- a) Someterse ás actividades de control realizadas por parte do Concello para comprobar a veracidade dos actos consignados na documentación presentada, así como o cumprimento dos requisitos para a percepción da axuda e colaborar co Concello en ditas actuacións.
- b) Realizar o gasto de acordo coa finalidade para a que se lle concedeu a axuda económica.
- c) Estar ao corrente no cumprimento das súas obrigas tributarias e coa Seguridade Social.
- d) Comunicar ante o Concello calquera modificación nas circunstancias esixidas para a concesión da axuda.
- e) Asistir ás clases con regularidade.
- f) As restantes previstas na normativa reguladora de subvencións.

NOVENA. COMPATIBILIDADE.

A concesión destas axudas será compatible con calquera outro tipo de becas ou subvencións concedidas para a mesma finalidade, sempre que a contía de tódalas axudas percibidas non supere o importe dos gastos realizados. De superarse, reducirase a contía da axuda do Concello no importe que exceda.

DÉCIMA DISPOSICIÓNS FINAIS

1. En todo o non disposto na presente convocatoria haberá que aterse ó disposto na lei 9/2007, do 13 de xuño, de subvencións de Galicia; na Lei 38/2003, do 17 de novembro, xeral de subvencións, e no Real decreto 887/2006, do 21 de xullo, polo que se aproba o regulamento da Lei xeral de subvencións, e demais normativa que lle sexa de aplicación.
2. A presente convocatoria publicarase no Taboleiro de Anuncios nas oficinas municipais, no Taboleiro de anuncios da sede electrónica do Concello de Begonte <https://begonte.sedelectronica.es/info.1> e na páxina <http://www.concellodebegonte.es/gl/actualidade>, efectos de cumprimento do requisito de publicidade.

En Begonte,

O Alcalde: José Ulla Rocha.



PROCEDEMENTO: AXUDAS PARA O TRANSPORTE ESCOLAR			DOCUMENTO Anexo I: SOLICITUDE	
DATOS DO ESTUDANTE/SOLICITANTE				
Apelidos		Nome	Dni/NIE:	
Enderezo			Concello	
Provincia	Código postal -----	Teléfono	Correo electrónico	
<input type="checkbox"/> Autorizo ao Concello de Begonte para que me informe mediante comunicación electrónica al correo indicado do estado desta solicitude así como doutro tipo de avisos relacionados que me poidan resultar de interese.				
DATOS DO PAI/NAI OU TITOR (Se o/a solicitante é menor de idade)				
Apelidos		Nome	Dni/NIE:	
Enderezo			Concello	
Provincia	Código postal -----	Teléfono	Correo electrónico	
DATOS DA UNIDADE FAMILIAR (membros computables)				
NIF	Nome e apelidos	Parentesco	Data nacemento	
		Pai		
		Nai		
DOCUMENTACIÓN QUE SE PRESENTA (marcar cunha X)				
<input type="checkbox"/> Fotocopia cotexada do DNI do solicitante e, no caso de ser menor de idade, do pai, nai ou titor.				
<input type="checkbox"/> Certificado de empadroamento da unidade familiar.				
<input type="checkbox"/> Fotocopia da declaración IRPF 2019 da unidade familiar ou certificación imputacións do IRPF (se non hai obriga de presentala).				
<input type="checkbox"/> Copia cotexada matricula curso actual para acreditación da condición de estudante.				
<input type="checkbox"/> Declaración xurada do solicitante ou no caso de ser menor de idade do pai, nai ou titor según os termos da Base cuarta punto cinco, seis e sete (ANEXO I (continuación)).				
<input type="checkbox"/> Declaración xurada según a Base cuarta punto oito (ANEXO II).				
DATOS A EFECTOS DE NOTIFICACIÓN:				
ELECCIÓN DO MEDIO DE NOTIFICACIÓN PREFERENTE				
<input type="checkbox"/> Postal (cubrir só se é distinto do indicado anteriormente).				
Enderezo:		Concello:	Código postal:	
<input type="checkbox"/> Electrónica. Só se podera acceder á notificación co certificado electrónico asociado ao NIF da persoa indicada.				
Teléfono móbil:		Correo electrónico:		



Anexo I (continuación)

DECLARACIÓN XURADA AOS EFECTOS DE SOLICITAR AS AXUDAS DE TRANSPORTE ESCOLAR 2018-2019

D./D^a. con DNI no caso de ser menor de idade en calidade de pai/nai ou titor do estudante

DECLARA BAIXO XURAMENTO QUE:

1. Que en relación con está axuda para o transporte escolar:

- NON solicitou e/ou recibiu subvencións ou axudas doutras administracións ou entidades públicas ou privadas, para a mesma finalidade.
- SI solicitou e/ou recibiu subvencións para a mesma finalidade das distintas administracións públicas competentes, e ás relaciono a continuación.

ORGANISMO ENTIDADE PÚBLICA Á QUE LLE FOI SOLICITADA A AXUDA	DESCRIPCIÓN DA AXUDA E CONCEPTO	ESTADO ⁽¹⁾	IMPORTE (€)

(1) No caso de estar pendente da resolución dalgunha solicitude, indicárase **PENDENTE**. No caso de solicitudes concedidas, indicárase **CONCEDIDA**

2. Que está ao corrente das súas obrigas coa **Axencia Estatal da Administración Tributaria**, a **Tesouraría Xeral da Seguridade Social** e co **Concello de Begonte**.
3. Non está incurso/a en prohibición para obter a condición de beneficiario da subvención conforme ao establecido no artigo 13 da Lei 38/2003, de 17 de novembro, xeral de subvencións.
4. No caso de concesión da axuda comprométeme a aplicar o importe da axuda á finalidade para a que se pretende a subvención.

Consentimento e Deber de Informar aos Interesados sobre Protección de Datos:

- Fun informado de que esta Entidade vai tratar e gardar os datos achegados na instancia e na documentación que a acompaña para a realización de actuacións administrativas.
- PRESTA O SEU CONSENTIMENTO para que a entidade realice consultas dos datos do solicitante/representante a través da Plataforma de Intermediación de Datos e outros servizos interoperables.

Sinatura do alumno/a solicitante

Sinatura do pai/nai/titor
(no caso de que o/a alumno/a sexa menor)

Lugar e data

..... a de de 202.....



ANEXO II

DECLARACIÓN XURADA DA DISTANCIA EXISTENTE ENTRE O DOMICILIO E O CENTRO DE ESTUDOS

D./D^a. con DNI no caso de ser
menor de idade en calidade de pai/nai ou titor do estudante

DECLARO BAIXO XURAMENTO E A MIÑA RESPONSABILIDADE QUE:

1. Que o/a alumno/a..... desprázase
diariamente/semanalmente (tachar o que non proceda) ao centro educativo
..... sito en
dende o seu domicilio particular sito en, no
seguinte medio de transporte
2. Que a distancia dende o domicilio do beneficiario ata o centro de estudos é de
quilómetros.

Sinatura do alumno/a solicitante

Sinatura do pai/nai/titor
(no caso de que o/a alumno/a sexa menor)

Lugar e data

..... a de de 202.....

